

釋

穀

釋穀卷三

寶應劉寶楠

豆穀豆

廣韻豆穀豆戰國韓策張儀云韓地五穀所生非麥而豆
史記豆作菽夏小正五月初昏大火中種黍菽糜尙書大
傳主夏者火昏中可以種黍菽尙書帝命期夏火星昏中
以種黍菽淮南主術訓大火中則種黍菽墜形訓豆夏生
冬死注豆火也火王而生水王而死據此是豆本夏種而
汜勝之種植書云三月榆莢時有雨高田可種大豆又云
夏至後二十日尙可種戴甲而生不用深耕齊民要術云

春種大豆次植穀之後二月中旬為上時三月上旬為中
時四月上旬為下時歲宜晚者五六月亦得然稍晚稍加
種子小豆大率用麥底然恐小晚有地者常須兼留去歲
穀下以擬之又云小豆夏至後十日種者為上時四民月
令云二月可種大豆又云二月昏參夕杏花盛桑椹赤可
種大豆四月時雨降可種大小豆夏至後二十日尙可種
然則種豆早晚固無定時矣詩小明云歲聿云莫采蕭穫
菽春秋定元年冬十月隕霜殺菽周之十月夏之八月也
淮南言豆冬死是以極時言之
俞君理初癸巳存稿王褒
僮約云十月收豆太平御
覽引注云十月民輸租據收斂畢始輸租則非
十月之豆其文以韻讀之豆亦租字之誤也
故詩又言

七月烹葵及菽則夏令七月已收刈是知豆之收種早晚
無定時也案豆類收種俱異時如豌豆蠶豆種於冬月春
夏之交先後俱熟豇豆種於春月五六月便熟
此類甚多其春種秋熟則鹿藿虎豆
豇豆稽豆穠豆之類然亦各有遲早

未豆

別二名說文未豆也象未豆生之形也物理志云菽者衆
豆之總名也淮南時則訓注菽豆連皮也古微書引春秋
說題解菽者屬也春生秋熟理通體屬也案古本作未說
文種下引詩種稚未麥或作叔叔拾也係假借今作菽吳
師道云古語祇稱菽漢以後方呼豆案小豆見禮投壺又
國策豆字兩見則非漢時始呼豆也

菽大豆荅小豆

廣雅大豆菽也小豆荅也詩采菽箋閔官釋文顏師古五行志注並云菽大豆也禮檀弓釋文云叔大豆也鄭衆注周官掌客云秬讀爲秬秠麻荅之秬九章算術菽荅麻麥各四種李籍音義云菽大豆也荅小豆也案管子云五穀之士其種大菽細菽多白實呂氏春秋審時云大菽則圓小菽則搏以芳是大豆小豆皆得茗菽但大豆專名菽小豆則又別稱荅耳小豆之見於經者禮投壺壺中實小豆焉爲其矢之躍而出也汜勝之種植書大豆保歲易爲宜古之所以備凶年也小豆不保歲難得堪黑字注雨種

一升廣雅疏證云漢婁壽碑糲糶蔬菜之食糲糶與糲荅同

戎菽荏菽胡豆大豆也

爾雅戎菽謂之荏菽孫炎云大豆也生民菽之荏菽毛傳
荏菽戎菽也鄭箋荏菽大豆也穀梁莊三十一年傳戎菽
也逸周書王會篇山戎戎菽孔晁注戎菽巨豆也列子力
命篇進其莢菽有稻粱之味張湛注引鄭氏釋莢菽爲大
豆楊朱篇昔人有美戎菽者皆本今正釋詁戎大也之文
詩正義曰樊光舍人李巡郭璞皆云今以爲胡豆璞又云
春秋來獻戎捷穀梁傳曰戎菽也管子亦云北伐山戎出

冬蔥及戎菽布之天下今之胡豆是也案爾雅戎菽皆爲大豆注穀梁者亦以爲大豆也郭璞注以戎胡俱是夷名故以戎菽爲胡豆也后稷種穀不應捨中國之種而種戎國之豆卽如郭言齊桓之伐山戎始布其豆種則后稷之所種者何時絕其種乎而齊桓復布之禮有戎車不可謂之胡車明戎豆正大豆是也九穀考云爾雅釋詁戎壬皆訓爲大壬與荏字可通荏菽戎菽並爲大豆之侮管子書戎菽別有一種或卽今之豌豆與后稷之所殖大異也案胡字古亦訓大如詩言胡考是也荏菽戎菽凡大豆之通侮戎菽亦曰胡豆蓋古有是語後人牽合穀梁管子遂以

戎胡俱是夷狄之名而為齊桓伐山戎所得至御覽引神農本草又云張騫使外國得胡豆或曰戎菽以胡豆戎菽為二又為張騫所得其誤益不可究詰矣考之春秋但言戎捷左氏公羊俱指俘獲獨穀梁指戎菽范注菽豆楊疏已疑其非疏云案管子云出戎菽及冬蔥布之天下則以戎為豆也故徐邈云今之胡豆也舊解以為依違其文恐失傳旨僖二十一年傳云其不曰未捷何也不與楚捷于宋也范云魏莊三十一年齊人來獻戎捷據彼傳及注意則似不以戎為豆是穀梁管子所說殊不可信今从孔疏及九穀考為定 漢書天文志正月旦決八風風從西北戎菽為孟康曰戎菽胡豆也志以戎菽備八穀之數是戎菽為大豆之統傳漢人說不誤也至魏張揖始以今之豇豆

為胡豆明李時珍以今之豌豆為胡豆戎豆又以今之蠶豆為胡豆而並以為來自西胡誠異乎吾所聞矣

茵蔯登鹿藿也其實謂之菘

爾雅茵鹿藿其實菘郭注今鹿豆也葉似大豆根黃而香

蔓延生神農本草云鹿藿味苦平生汶山山谷

汶山即唐岷山

本注云此草所在有之苗似豌豆有蔓而長尺人取以為

菜亦微有豆氣名為鹿豆也梁簡文帝勸醫論云胡麻鹿

藿纔救頭痛之病說文菘鹿藿之實名又云蔯鹿藿也廣

雅同王氏疏證云徐錯傳云尔正鹿藿鹿豆也一名茵蔯

爾雅蔯注云即菘也字與鹿豆相近疑說文注誤以蔯蔯

爲鹿藿字也案蔗爲鹿藿非必尔正蔗鹿之誤乃鹿藿自
有此名耳說文之訓或敘述經文或原本師說或雜採方
俗之所傳其所取者博矣何必爾雅所有者而後見之於
書哉徐氏之說淺於窺測矣邵氏尔正正義鹿豆今一名
螢豆一名治豆案古今注螢豆一名治螢治疑作治葉似葛而
實長尺餘可蒸食一名螢菽明李時珍以螢豆爲鹿豆當
爲邵氏所本然皆未明言於今爲何豆子以其音求之則
今之所謂務豆者也一切經音義十七引通俗文曰野豆
謂之螢豆玉篇螢力刀切豆也驟同上廣韻螢驟並音勞
螢下云野豆集韻螢務驟勞並郎刀切與勞同音注云野

豆謂之登豆或作穉躑躅此皆相沿舊音與今正同陳留
耆舊傳賊送登豆一斛三國志賈逵傳注引魏略曰楊沛
收登豆閱其有餘以補不足唐書夏侯端傳擷登豆以食
吐番列傳其稼有登豆皆言穉豆之可充爲食也農政全
書躑躅豆圖說云躑躅豆生平野中北土處處有之莖蔓延附
草木上葉似黑豆葉而窄小微尖開淡粉紫華結小角其
豆似黑豆形極小味甘案躑躅與登穉字同音蓋藺也鹿藿
也鹿豆也登豆也冷登也登菽也躑也藿也躑豆也九名
實一物 恭冕曰郝氏懿行爾雅義疏舊說鹿豆一名登
豆登鹿聲轉王磐野茶譜作野綠豆綠鹿聲同也如郝此

言鹿豆卽今綠豆然豎豆之豎篇韻皆音勞其爲今之穉
豆無疑豆色黑絕似穉豆可以已勞故有踴豆之名簡文
帝所謂鹿藿治頭痛凡頭痛皆是虛弱故爲勞也郝氏以
綠豆當鹿豆殊未確

榘虎彙虎豆也小者謂之狸豆

爾雅榘虎彙郭注今虎豆纏蔓林樹而生莢有毛刺今江
東人呼爲榘榘邵氏正義郭注山海經以彙爲虎豆狸豆
之屬中山經卑山多彙郭注今虎豆狸豆之屬屬彙一名藤案藤與藤同謂豆蔓也 狸豆一名黎

豆案陶氏注蟬蛇膽虎豆則虎彙也農政全書黎豆古名
云如黎豆者卽此

狸豆又名虎豆其子有點如虎點之斑故名廣韻虎豆名俗加廿

爾雅所謂楸虎鼻三月下種蔓生江南多炒食之案邵氏

以狸豆虎豆為二與農政全書異崔豹古今注云狸豆集韻

狸豆名可食 一名狸沙一名獵沙據余定郭注當作穢謝

即俗狸字 白注獵涉字出爾雅此用古今注以釋爾雅或爾雅舊注有此字涉涉形近易誤未知就是 葉似葛而

實大如李核可啗食也虎豆一名虎沙似狸豆而大實如

小兒拳亦可食據此則狸豆虎豆本是一豆特以大者名

虎豆小者名狸豆也集韻虎豆屬似狸豆而大 李時珍云狸豆野生山

人亦有種之者三月下種蔓生其葉如豇豆葉但文理偏

斜六七月開華成簇紫色狀如扁豆華一枝結莢十餘長

三四寸大如拇指有白茸毛老則黑而露筋宛如乾熊指

爪之狀其子大如刀豆子淡紫色有斑點如狸文 陳藏
器曰爾雅云諸慮一名虎涉又注罍根云苗如豆爾雅楛
虎罍郭璞注云江東呼罍爲藤似葛而粗大纏蔓林樹莢
有毛刺一名豆莧今虎豆也千歲罍是矣李時珍曰尔疋
虎罍卽狸豆也爾雅山罍虎罍原是二種陳氏合而爲一
謂諸慮一名虎涉又以爲千歲罍並誤矣恭冕曰郝氏懿
行爾雅義疏虎罍卽今紫藤其華紫色作穗垂垂人家以
飾庭院謂之虎罍者其莢中紫色斑然如狸首文也亦以
山罍當虎罍與景純注全不合

籩黃豆

釋穀

卷三

七

說文蠶豆屬抄注此本艸經之大豆黃卷也味甘平主濕
痺筋攣剝痛唐本注云以大豆爲芽槩生便乾之名爲黃
卷案玉篇蚕豆屬廣韻登黃豆豆有青黃二色黃色者最
多故獨得黃名齊民要術引廣志曰大豆有黃落豆又曰
大豆有青有黃皆此豆也豆莢有毛亦稱毛豆北方人多
種之蓋穀豆之最貴者也

蠶豆

廣雅胡豆蠶也李時珍曰此豆紅色居多莢必雙生故
有豨蠶之名廣雅指爲胡豆誤矣又云豨豆處處三四
月種之一種蔓長丈餘一種蔓短其葉俱本大末尖嫩時

可茹其華有紅白二色莢有白紅紫綠黧色亦斑駁數色
長者至二尺嫩時充菜老則收子又云豇豆開華結莢必
兩兩並垂有習坎之義豆子微曲如人腎形所謂豆爲腎
穀者宜以此當之案李說是也此豆有大有小大者紅紫
白斑駁四種小者只白色一種王貞農書云大豆有白黑
黃三種白者粥飯皆可拌食小豆有江豆案黃豆豉豆也
白黑江三者皆豇豆也今人猶以白豆拌食而黑豆其形
微曲更與李氏腎豆之說相合故知白黑皆是豇豆江與
豇同亦與踰同大小豆皆得稱豇農書專言小豆者豈以
江爲小豆專稱與抑以大豆之白黑者不止豇豆

種豆色
黑豌豆

色故但言其色不言其名而於小豆言江錯舉以見義與
然小豆不止江豆而豇豆之大者亦不止白黑二種則農
書所舉蓋約略之詞不必深辨也王氏廣雅疏證引名醫
別錄序例以胡豆爲青斑豆又引孫思邈千金備急方以
胡豆爲青小豆蓋斑青二豆皆有胡稱故王氏據之以證
廣雅且云胡豆正是小豆之屬故廣雅大豆胡豆不同釋
也案青斑豆青小豆蓋別是一種豆李時珍以爲
豌豆當得之非降躩
也降躩豆無青色其斑色者又是大豆非是小豆則知廣
雅所云胡豆非王氏之所引證矣蓋廣雅旣誤以胡豆爲
降躩而王氏又以青斑豆青小豆爲降躩亦失廣雅之意

其實皆非也包君頴伯曰豇豆一名角豆一名羊角蔓生以竹援之花實至盛採折復生

踴豆豌豆蠶豆也

廣雅云踴豆豌豆蠶豆也類篇并州謂豆曰踴蔬譜齊民要術引四

民月令云正月可種春麥踴豆盡二月止案今北方人種

豌豆在正月中與四民月令相符故北方農人爲之語曰

豌豆大麥不出九也南方人種之則於八九月此土地異

宜故遲速不齊豌豆枝莖柔弱布地而生葉間有鬚連卷

然葉形頗圓兩兩相值初生時肥嫩可食南方多摘以爲

蔬味極美三四月放小華四瓣向內者二向外者二亦皆

相對華色淡紫可愛四五月作莢長寸餘莢中子皆圓如
珠子煮食之香美亦可以爲醬大抵與麥偕熟耳齊民要
術云踴豆大豆類也豌豆小豆類也則是分踴豆豌豆爲
二與廣雅異所未詳也案玉篇豌豆也踴豆也踴頭也
亦似以豌豆爲一豆踴豆爲一豆今以目驗之此豆有二種
一種豆色白者俗名玉豌豆一種斑色俗名安豆安亦豌豆
也豌豆又作登類篇云與豌豆同楊慎引唐六典有登豆青鬱
俗譌呼爲安豆是也此豆色雖有二種然其實只是一豆
且亦無大小之分而齊民要術分豌豆爲小豆踴豆爲大豆禾
知所本農政全書引賈思勰曰小豆有棗赤白三種踴豆

當作 豌豆 豇豆 蠶豆 蠲豆 亦其類也 以 脾豆 豌豆 蠲豆 爲

三影響之說不足依據 廣韻 脾豆 名集韻 又音扁 亦豆名

與 穆同 或作 藹 攷之 諸書 扁豆 皆不名 脾 集韻 非也 本草

綱目 豌豆 下一名 回鶻豆 云據遼志 鶻豆 高二尺 許直幹 有葉 無羽

枝角長二寸 每角止兩豆 一根才六七角 色黃 味如 一名

桌花 木攷說 同與中國 豌豆 絕異 李說 殊不可解 一名

畢豆 云據唐史 一名青小豆 云據金方 一名青斑豆 云據別錄 一名麻

累 未注所出 案亦本千金方 時珍之言曰 胡豆 豌豆 也 其苗柔弱 宛宛

故得 豌豆 名種 出西戎 嫩時 青色 老則 斑麻 故有 胡戎 青斑

麻 累 諸名 余正戎 菽 謂之 荏菽 管子 山戎 出荏菽 布之 天

下 並注云 卽胡豆 也 唐史 畢豆 出自 西戎 回鶻 地面 張揖

廣雅畢豆豌豆留豆也別錄序例云九藥如胡豆大者卽
青斑豆也孫思邈千金方青小豆一名胡豆一名麻粟鄴
中記云石虎諱胡改胡豆爲國豆此數說皆指豌豆也又
鄉人亦呼豌豆大者爲淮豆蓋回鶻音相近也案脾脾一
聲之轉故脾又作蹕又作畢其實一也然廣雅之字本作
脾不作畢李說誤也豆色斑麻故時珍舉大豆有斑色卽
豌豆也中國及胡戎皆有豌豆遼志回鶻豆與中國豌豆無
一相似不知李說何緣有此附會且以回鶻爲豌豆亦是
就彼國名之非必中國之種出自西胡而舉戎菽胡豆之
名加之則猶沿舊說之誤矣且卽以豌豆爲胡豆戎豆而戎

胡要是大豆之偁亦無以定其種出夷狄也李氏之說皆
誤 穀譜野豌豆一名翹搖粒小不堪用苗嫩時可茹李
時珍說略同九穀考陶氏論合藥節度云如胡豆者以二
大麻準之如小豆者以三大麻準之胡豆比小豆更小者
野豌豆也族叔博士君彥矩研秋齋筆記吾鄉麥田多生
野豌豆似豎而粒小可食如黃豆之煮爲乳而成豆腐鄉
人呼爲翹翹子卽本草綱目之翹搖也族弟瑤曰按蘇詩
元脩菜卽翹搖故人巢元修好餐此因名然則翹搖之葉
可充作蔬矣 爾雅薇垂水郭注生於水邊郝氏懿行義
疏說文薇菜也似藿六書故引項安世曰今之野豌豆也

莖葉花實皆似豌豆而小萇可渣蜀人謂之小巢菜豌豆
謂之大巢也 丁壽昌曰陸機詩疏云穢山茶也莖葉皆
似小豆蔓生其味亦如小豆藿可作羹亦可生食今官園
種之以供宗廟祭祀與今野豌豆形狀正同項氏之說非
無據矣邵氏亦正疏亦用項說詩采薇由作止至柔止剛
止亦是豌豆葉春生可食之證

馬豆馬沙

古今注馬豆一名馬沙似虎豆而小實大如指亦可食也
案農政全書苦馬豆圖說云生延津縣郊野中在處有之
苗高二尺許莖似黃芪苗莖上有細毛葉似胡豆葉微小

又似蒺藜葉却大枝葉間開紅紫華結殼如拇指頂大半
頂間多虛俗呼爲羊尿胞內有子如漿子大茶褐色子葉
俱味苦又言救飢云採葉焯熟換水浸去苦味淘淨油鹽
調食及取子水浸淘去苦味曬乾或磨或搗爲麪作燒餅
蒸食皆可據此則苦馬豆當卽馬豆亦荒穀也

挾劍豆

拾遺記樂浪之東有背明之國有挾劍豆其莢形似人挾
劍橫斜而生農政全書刀豆下云酉陽雜俎樂浪有挾劍
豆卽此三月下種蔓生又圖說云刀豆苗處處有之人家
園籬邊多種之苗葉似豇豆葉肥大開淡粉紅華結角如

皂角狀而長其形如屠刀樣故以名之味甜微淡又言救
飢云豆角嫩時煮食豆熟之時收豆煮食或磨麪食亦可

穉籬上豆

玉篇穉籬上豆廣韻穉豆名集韻穉籬上豆穉與穉同

音扁亦豆名與穉同或作藟李時珍曰藟豆本作扁莢形

扁也一名蛾眉豆

案今俗亦名眉毛豆又有一種名雲豆雲即眉之轉音四月中結莢可食問之

鄉人云亦是穉豆種而變生者余日驗之良然俗名沿籬豆趙宦光曰扁豆一名

屨屨豆一種豆子蠟園色白俗名白扁豆入藥扁豆無名

踈者

案李說是也踈乃踈豆名不當牽合

又云扁豆二月下種蔓生延纏葉

大如盂圓而有尖其華狀如小蛾有翅尾形如莢凡十餘

樣十誦律音義有扁豆布珍布綿二反其葉可治霍亂人家多種之卽此穉豆

蠶豆以蠶時熟

農書蠶豆百穀之中最爲先登蒸煮皆可便食是用接新代飯充飽今山西人用豆多麥少磨麩可作餅餌而食李時珍曰豆莢狀如老蠶故名農書謂其蠶時始熟亦通吳瑞本草以此爲豌豆誤矣此豆種亦自西胡來雖與豌豆同名同時種而形性迥別太平御覽云張騫使外國得胡豆種歸指此也案蠶非豌豆誠如李氏所駁然以蠶豆卽胡豆爲來自西胡則猶沿舊說之誤農政全書蠶豆圖說云科苗高二尺許莖方其葉狀類黑豆葉而團長光澤紋

脉堅直色似豌豆頗白莖葉稍間開白華結短角其豆如
豇豆而小色赤味甜 癸巳存穢宋祁益部方物略記佛
豆一類秋種春斂此卽胡豆張騫使西域所得與麥同種
同收亦名蠶豆以蠶時熟也野謂之北豆案俗傳無定音
亦無定字予謂佛豆之名或中國本有是稱不必附合胡
豆而以爲張騫使西域所得也至以胡豆爲蠶豆此後世
小說不足據

穉野生豆

李時珍云穉乃自生稻名也此豆原是野生故名今人亦
種之下地卽黑小豆也案穉豆有大小二種

莊子列禦寇
篇子見夫穢

牛乎衣以文繡食以芻叔釋文芻草也
叔大豆也案叔即稽豆是有大豆一種
李氏祇就小者言

之今人用以蒸食亦可飼馬謂之料豆其華紫黑色豆皮

入藥所謂稽豆皮也陳藏器曰稽豆生田野小而黑堪作

醬爾雅戎菽一名蠶豆古名螢豆是也李時珍曰此即黑

小豆也小科細粒霜後乃熟陳氏指為戎菽誤矣余疋亦

無此文戎菽乃胡豆此句不可憑李以戎菽胡豆為螢豆

乃鹿豆案時珍是也九穀考亦疑稽豆藜豆為一云廣韻

螢野豆又作藜藜稽豈一聲之轉耶案藜螢廣韻並音勞

其為今之勝豆無疑與稽豆絕異不得以聲近而合之程

說非

赤小豆

越絕書計倪內經以赤豆爲下物農政全書赤豆小面色赤心之穀也或云其工氏有不才子以冬至死爲疫鬼而畏赤豆故於是日作粥以厭之又圖說云赤小豆苗高一二尺葉似豇豆葉微團脩開華似豇豆華微小淡銀褐色有腐氣人故亦呼爲腐婢結角比菘豆角頗大角之皮角微白帶紅其豆有赤白黧色三種案齊民要術大赤豆三月種六月旋摘遲者四月種亦可宜稀稠得所太密不實予以目驗之此豆率是小者要術所云大赤豆疑指豇豆言抑有別種疑不能定俟更攷之本草綱目以赤小豆爲

荅不知所本

菜小豆

王禎農書小豆有菜豆又云北方惟用菜豆最多農家種之亦廣人俱作豆粥豆飯或作餌爲炙或磨而爲粉或作麩材其味甘而不熱頗解藥毒乃濟世之良穀也南方亦間種之俞貞木種樹書種菜豆地宜瘦四月種六月收子再種八月又收農政全書菜豆本作綠以其色名也粒大而色鮮者爲官綠皮薄粉多粒細而色深者爲油綠皮厚粉少早種者呼爲摘綠遲種者呼爲拔綠以水浸濕生白芽爲菜中佳品 釋文瑩湘山野錄眞宗深念稼穡聞西

天菘豆子多而粒大遣使以珍貨求其種西天中印土得
菘豆種二石不知今之菘豆是否始種於後苑秋成日宣
近臣嘗之仍賜西天菘豆御詩案此豆雖外土與中國異
然當是一種附識於此

角謂之莢莖謂之莢葉謂之藿

說文莢艸實也廣雅豆角謂之莢呂氏春秋審時云得時
之菽長莖短足其莢二七以爲族先時者小莢不實齊民
要術引汜勝之種植書云穫豆之法莢黑而莖蒼輒穫無
疑莢與夾同兩旁岐出中含豆實是爲莢也說文其豆莖
也漢書楊惲傳種一頃豆落而爲其曹植詩煮豆燃豆其

本是同根生潘岳馬汧督誅曰其稈空虛字通作稈玉篇
稈稈也集韻稈豆莖也又通作稈玉篇稈豆稈廣韻稈音
其豆莖也又通作稈孫子書稈秆一石當吾二十石曹操
注意音忌豆稈也是也說文藿未之少也

段注李善引作藿豆之葉也

廣雅釋豆云其葉謂之藿王氏疏證藿爲豆葉而說文云
未之少者未之少時葉嫩可食或以物言或以時言其實
一也小雅食我場藿傳云藿猶苗也是未之少名藿也公
食大夫禮銅芼牛藿芋苦豕藿鄭注云藿豆葉也易林漸
之乾云旦種菽豆暮成藿葉是豆之葉名藿也或卽謂之
菽小雅中原有菽庶民采之傳云菽藿也正義云經言采

之明采取其葉故言藿也采菽篇采菽采菽筐之筐之傳
 云菽所以莛大牢而待君子也箋云菽大豆也采之者采
 其葉以為藿三牲牛羊豕莛以藿又幽風七月篇七月亨
 葵及菽釋文云菽藿也皆是也藿可莛羹亦可用以為羹
 韓非子五蠹篇云堯之王天下也糲粢之飯藜藿之羹韓
 策云民之所食大抵豆飯藿羹列子楊朱篇案王說是也
 藿或借作霍漢書鮑宣傳醬酒霍肉師古曰霍豆葉也藿
 木諸豆葉之通傳南方惟豌豆葉人多食之亦用以莛羹
 其他豆葉皆不堪茹而北方人種豌豆則皆不知葉之可
 食然則鏹莛之藿又難定為豌豆矣至李時珍以赤小豆

之葉爲藿亦不知所本

大豆小豆 農書今之赤豆白豆綠豆螢豆皆小豆也

案登豆馬豆穠豆蠶豆挾斂豆皆大豆也鹿藿赤豆

菘豆皆小豆也虎桑豈躡豌豆穠豆各有大小二種

九穀考止載鹿藿一豆于諸豆皆未之及故此篇備

釋之而以先見之書爲次不以大小分也赤豆菘豆

未有主名故附於後又拾遺記背明之國有傾籬豆

言其豆見日葉垂覆地食者不老不疾有繞明豆其

莖弱自相縈繞廣志刺豆亦可食秬豆苗似小豆紫

華可爲麩生朱提宋祁益州方物圖海紅豆春間花

白色結莢枝間子如綴珠似大紅豆亦扁皮紅肉白
蜀人用爲果飢交州記木豆出徐僮間子美似烏頭
大葉似柳一年種數年采杜陽雜編大麻中日林國
獻靈光豆大小類中國之菜豆其色紅而光芒長數
尺本國人呼爲詰多珠和石上昌蒲莢之大如鶩卵
諸豆不知于中國爲何種用識于此以廣異聞

臬麻

爾雅臬麻孫炎注麻一名臬郭璞注別二名說文臬麻也
繅繭文麻臬也从艸从广艸人所治也在屋下段注未治
謂之臬已治之謂之麻以已治之傳加諸未治則統謂之

麻

苴麻子有子曰苴無子曰泉

詩九月叔苴毛傳苴麻子也

九穀考云北方呼子麻八月間子熟則落一莖中熟有

先後農人以數次搖其莖而拾取之案羣經音辨苴子麻也是古亦稱子麻

莊子讓王篇苴布

之衣注云苴有子麻也余疋郭注引禮記曰苴麻之有廢

案喪服傳苴經者麻之有費者也

左襄十七年傳苴經杜注苴麻之有子者正義

引喪服傳又引馬融曰費者麻實泉麻之有子者其色麓惡故用之案馬注泉麻疑作苴麻

費字與廢

同玉篇云有子曰苴無子曰泉蓋苴是麻子之名因稱其

麻曰苴麻也說文泉麻互相訓余疋云廢泉實說文云葩

泉實玉篇云麻泉屬也及續為布子可食列子楊朱篇音

人有美甘泉者本草云麻子味甘呂氏春秋審時篇得時之麻必

芒以長疏節而色陽案陽如詩我朱孔陽之陽毛傳陽明也小本而莖堅厚

泉以均後熟多榮日夜分復生如此者不蝗列子所云甘

泉呂覽所云厚泉並謂泉實然則泉亦是大名有子無子

皆得備之而玉篇別言之者有子可通言泉無子不可通

言直故遂以其為有子之專備而泉則屬諸無子也廣韻

乃謂有子曰泉無子曰直與玉篇互異似非是 又案麻

子有白黑紅三種廣雅疏證云高者四五尺以來其莖皆

方今俗名方莖對葉紅白二種皆四稜黑者獨六稜案本草綱目引孟詵曰沃

地種者八稜山田種者四稜土地有異功力則同李時珍亦曰有四稜六稜者房小而子少七稜八稜者房大而子

多皆隨土地肥瘠而然與
王氏說不同未知孰是
夏秋間作黃華九月收實案管
子四施之士其麻白白當指實言開傳云苴惡貌也斬衰
貌若苴鄭注有大變者色必深黑蓋以麻子之色狀貌之
深黑是黑麻也又謂之烏麻星經言八穀有烏麻杜甫詩
烏麻蒸續曬陶隱居曰胡麻當九蒸九曝熬擣充餽以烏
者爲良烏麻卽黑麻也紅實者其色近黃與白者功用同
此三種也

鹿麇蘊苴也

說文鹿臬實也曠或从麻賁

玉篇鹿臬實也或从廣

爾雅鹿臬實孫

炎注蕡麻子也引見喪服傳疏案齊民要術引作麇此依

郭本改郭注引禮記苴麻之有廢今喪服傳作蕢蕢與廢

同內則菽麥蕢稻黍粱秫惟所欲釋文蕢字又作廢天官

籩人朝事之籩其實蕢蕢有司徹蕢蕢坐設于豆西鄭注

蕢熬臬實也考工記弓人注蕢臬實也蓋臬實名蕢因之熬實亦名蕢

从其朔也淮南齊俗訓胡人見廢不知其可以為布也高

注廢麻子說山訓見廢而求成布說林訓廢不類布而可

以為布高注並云廢麻實也則又以廢為麻之名矣廣雅

廢麻也王氏疏證廢者實之貌也魏氏篇有蕢其實傳蕢

實貌也廢蘊聲相近四民月令云苴麻之有蘊者苴麻是

也一名蕢吳普本草云麻子一名麻蘊一名麻蕢是廢即

蘊也

狗蝨鉅勝藤宏胡麻也

本廣雅別四名也王氏疏證神農本草云胡麻一名巨勝
巨與鉅同御覽引吳普本草云胡麻一名方莖一名狗蝨
方莖以莖形得名狗蝨以實形得名也本草序例云凡九
藥有云如細麻者卽胡麻也不必扁扁但令較略大小相
稱耳此以胡麻子形扁故也今狗蝨形正扁胡麻子極與
相似因以名矣御覽又引孝經援神契曰巨勝延年宋均
注云世以巨勝爲狗杞子案諸書無言狗杞子名巨勝者
狗杞當爲狗蝨後人改之也列仙傳關令尹喜與老子俱

遊流沙服苴勝實

案藝文類聚引漢武內傳下藥有巨勝黃精

苴與鉅通鉅勝

胡麻木是一物而本草諸家說者各各不同陶宏景則謂
淳黑者名巨勝又謂莖方名巨勝圓名胡麻雷斅則謂七
稜者爲巨勝蘇恭則謂八稜者爲巨勝四稜者爲胡麻蘇
頌則據仙方服食胡麻巨勝二法功用小別以爲一物而
種之有異如天雄附子之類又據葛稚川說以爲胡麻中
有一葉兩尖者爲巨勝蓋皆以巨勝胡麻爲二矣今案神
農本草經明云胡麻一名巨勝則二者均屬大名更無別
異諸說與古相違不足據也案王說是也玉篇勝下苴下
並云苴勝胡麻也苴下云勝苴胡麻也胡者大之之詞是

故曰鉅勝曰藤苳鉅亦大也故又作巨

葛雅川說亦謂巨為大而附會為得

自大宛非也

苳亦大也故又作宏中國及胡地皆有麻中國之

麻稱胡者自舉其實之肥大者言之如胡豆戎豆之類

後人

以胡豆戎豆為得自外國誤與此同辨見豆類

不以胡地傳也而說者以為張騫

所得故名胡麻非是

本草綱目胡麻即脂麻也今市肆

間因莖分方圓之說遂以茺蔚子偽為巨勝以黃麻子及

藜子偽為胡麻誤矣茺蔚子長一分許有三稜黃麻子黑

如細韭子味苦大藜子狀如壁蝨及酸棗核仁味辛甘並

無脂油不可不辨梁簡文帝勸醫文有云世誤以灰滌菜

子為胡麻則胡麻之誤其來久矣 又案本草綱目云大

麻卽今火麻亦曰黃麻處處種之剝麻收子有雌有雄雄者爲臬雌者爲苴又列諸麻之名以大麻火麻黃麻漢麻爲一物其雄者名臬麻牡麻雌者名苴麻苧麻花名麻蕒麻勃又以胡麻巨勝方莖狗蝨油麻脂麻爲一物蓋以胡麻爲出自張騫非中國所本有故舉今之火麻以當古之八穀而其名則有漢麻是對胡麻言之也然今火麻仁止用入藥未以充食民生日用今古無異豈得便以火麻當古食穀而反以脂麻歸之異域哉然則雄麻牡麻何麻也曰此則黃麻也其雌者雖結子但未以入穀不得承用苴廣之名惟績其皮可作布耳蓋麻是通稱廣苴皆言其可

食則專謂苴麻故問傳言斬衰貌若苴鄭注謂色必深黑是苴爲黑脂麻若火麻仁則止有淡黃色一種安得有深黑哉

麻華勃

本草經麻蕒一名麻勃麻華上勃勃者七月七日采之良麻子九月采吳普本草以麻子爲麻蕒以麻華爲麻勃九穀考云蕒爲麻華者如詩云黍稷方華亦謂秀爲華蓋散文通傳非有誤也案李時珍據吳普本草以本草經爲傳寫脫誤故程氏云然又云北方夏至前後苴麻不作華而放勃勃與華初胎時相似名之日蕒卽麻實之穉者尔疋所謂不榮而實謂之秀者也

麻母芋芋莫

爾雅芋麻母郭注其麻盛予者邵氏正義云麻實有籽甲包裹故說卦傳云其于稼也為反生宋衷注曰謂麻豆之戴甲而生是也案麻外有籽甲中以含實象母之胎子故謂其籽曰麻母芋本作芋說文芋麻母也一曰芋即泉也莫芋也案芋為泉者泉謂泉實不專指籽甲與麻母之訓稍異

麻汁脂

墨子旗幟篇麻脂有積玉篇油麻子汁也四民月令云胡麻白者油多廣雅疏證云今人謂之脂麻脂亦油也白者

子多作油甚香美黑者不及而入藥則良案今人亦謂之油麻漢書司馬相如傳汁引蘇林曰油音油麻之麻是古亦有是僞

牡麻疏麻

別二名此非穀種亦釋之者別異類也後倣此喪服傳牡麻者臬麻也本草雄者名臬麻牡麻楚辭大司命折疏麻兮瑤華洪慶善補注麻華色白故比於瑤九穀考云夏至前後牡麻開細碎華色白而微青齊民要術夏至先後各五日可種牡麻注牡麻有華無實

生菓蕉未練治糶籩

說文蕉生臬也廣韻蕉生麻繻生臬也蕉繻音義並同
案今人以已漚者爲熟麻然則生臬蓋未漚者說文繻未
練治繻也廣雅繻綃也綃當是生絲

繻臬屬

說文繻臬屬詩曰衣錦繻衣褻繻也詩曰衣錦褻衣九穀
考云繻麻大葉徑六七寸余在京東見白露時猶開黃華
五出大如錢結實有房如蓮房大不及一寸房有稜每稜
中密而細子扁而黑亦可食原注本草作苧麻李時珍曰
一作黃種必連頭故謂之黃
也 案玉篇苧草
名亦作繻黃同上國風兩言褻衣鄭氏據玉藻以禪衣釋
之於丰之詩又申之以禪縠案通鑑外紀引尚書大傳意
衣錦尚蕝鄭注蕝讀爲縠

古人穀或織絲麻爲之段注說文云糝者草名也周禮典
 臬掌布絲纒之麻草之物注云草葛黃之屬掌葛微草貢
 之材於澤農注云草貢出澤黃紵之屬可緝纒者黃卽糝
 字之異者又作穎雜記若三年之喪則旣穎其練祥皆行
 鄭云穎草名無葛之鄉去麻則用穎製衣者以糝所績爲
 之蓋士昏禮所謂景也包君孟開曰案文宜云士昏禮又謂之景毋加景彼注訓景爲明未
符云以何物爲之疏家以爲同製衣是景卽製衣然製言其衣之質景言衣之用文又下宜混同段氏蓋未之檢也
 農政全書糝子本草名苧實處處有之苗高五六尺葉
 似芋葉而短薄微毛濫開金黃華結實穀似蜀葵實殼而
 圓大俗呼爲糝饅頭子黑色如黃豆大味苦性平無毒又

言救飢云採嫩糝饅頭取子生食子堅實時收取子浸去
苦味晒乾磨麩食案此是糝麻子亦荒穀也今人謂之蕁
麻蕁糝音相近

麻紵糝屬

說文麻糝屬紵糝屬案玉篇麻一曰麻一絮也廣韻引字
書云麻麻一絮此別一義詩東門之池可以漚紵與漚麻
並詠是紵亦麻類魏都賦油油麻紵陸機詩草木疏紵亦
麻也科生數十莖宿根在地中至春自生不歲種也荆楊
之間一歲三收今官園種之歲再刈刈便生剝之以鐵若
竹挾之表厚皮自脫但得其裏孰如筋者謂之嫩紵今南

越紵布皆用此麻蘇頌曰苧麻苗高七八尺葉如楮葉而無义面青背白有短毛夏秋間著細穗青華其根黃白而輕虛二月八月采寇宗奭曰苧如葶麻華如白楊而長成穗每一朵凡數十穗青白色王貞農書紵麻有二種一種紫麻一種白麻周禮典彙注白而細疏曰紵此似指白麻李時珍曰紫紵葉面紫白苧葉面青其背皆白可刮洗煮食救荒味甘美其子茶褐色九月收之二月可種宿根亦自生案紵苧一字詩釋文紵本作苧是也

薜山麻

本尔疋郭注似人家麻生山中邵氏正義麻之生於山中

異其名也

纏山紵

史記貨殖列傳山西饒材竹穀纏徐廣曰紵屬可以爲布
索隱曰纏山中紵今山間野紵案李時珍曰苧家苧也又
有山苧野苧也李氏分別言之與索隱合野苧形狀當與
家苧同孟子云妻辟纏卽此

麻中榦謂之蒸蒸謂之鼓鼓廢黠榦也

說文蒸折麻中榦也丁壽昌曰案集韻引說文蒸折麻中
榦也各本說文俱作折無作析者折麻文義本通段氏凡
改爲析非也蒸蒸或省文

段注大射儀注既夕礼注皆作此蒸葉林宗所見釋文皆爾案

漢書酷吏傳蒸蒸不至於姦卽余正菽麻蒸也注未聞邵氏正

用書以孝蒸蒸又不格姦之文義釋文云菽本或作菽說文菽麻蒸也管子地員篇謂麻

之細者如蒸細卽小也菽爲小葉之麻所以別於山麻也案邵氏意謂菽爲麻蒸蒸爲細薪之偶故廢麻蕪也攷毛

謂麻之小葉者爲菽其說亦通附注於此詩傳云粗曰薪細曰蒸周礼甸師注云大曰薪細曰蒸古

燭皆用蒸管子弟子職云蒸閒容蒸尹知章注蒸細薪也

地員篇言麻之細者如藿如蒸廣雅蒸燧炬也燧與燧同

說文燧然麻蒸也燧之言總也說文總聚束也弟子職云

錯總之法橫於坐所尹注云總設燭之束也案束蒸謂之

總然蒸謂之燧則蒸是麻幹而可用以爲燭明矣朱學勤

伯傳使執燭放乎且而蒸盡是古人燭用麻之證日詩巷

賈氏周禮疏以爲依慕容所爲以羣爲中心非也九穀考

云東方朔七諫曰萑蔴雜於麤蒸王逸注臧翻曰麤也

蔴蒸

燭竹曰蒸言持萑蔴香直之艸雜於麤蒸燒而然之麤一作菽一云萑蔴雜於麤蒸洪興祖補注麤麻蔴也菽麻蒸也蒸析麻中榦也蒸竹炬也然則蒸蒸二字自別王逸所注者當从竹潘岳西征賦感市閭之菽井注云菽井卽長安賣麻蒸市也周官司烜氏凡邦之大事其墳燭庭燭注云墳大也鄭司農云費燭麻燭也後邨不从麻燭之說然淮南子說林訓麤燭物膏燭澤是麻燭之說蓋有所受今世猶以麻蒸爲夜行燭也案程說是也前漢五行志哀帝建平四年正月民驚走持梟或振一枚如淳曰振麻榦也

擷與鼓廢並同玉篇蕤麻莖也廣韻蕤麻稈

縹碎麻亂麻廢亂麻

縹廢俱麻子之名因之碎麻亂麻亦何縹廢蓋通義也論

語衣敝縹袍某氏傳縹臬著也皇侃義疏以碎麻著裏也

碎麻曰縹玉藻縹為袍疑是用碎麻韓詩外傳士褐衣縹著未嘗完也

又云曾子褐衣縹絮未嘗完也漢書蒯通傳即束縹請火

於亡肉家顏師古注縹亂麻東方朔傳衣縹無文師古注

縹亂絮也法言孝至篇齊桓之時縹李後漢崔駰傳五原

土宜麻臬而俗不知織績寔至官五原太守為作紡績織紵練

縹之具以教之李賢注孔安國論語注曰縹臬也列子楊

朱篇宋國有田夫常衣縑廣張湛注廣亂麻殷敬順釋文
縑廣謂分弊麻絮衣也案廣亦作芬周礼巾車素車芬蔽
鄭注芬讀爲蘋蘋麻以爲蔽左隱六年傳猶治絲而芬之
也杜注絲見芬縑益所以亂是芬卽亂麻也

分莖皮謂之朮治施臬謂之赫分離謂之楛

說文朮分臬莖皮也从屮八象臬皮讀若檳赫施之總名
也赫之爲言微也微纖爲功象形段注各本施作施今正
此句疑尙有奪字當云治施臬之總名下文云赫人所治
也可證施臬則合有寔無寔言之也案段說是也赫从二
朮說文以朮爲分莖皮則赫亦是治麻之名春秋說題解

麻之爲言微也陰類寢密女作緘微也此說麻字从赫之義蓋皆以赫爲治麻矣說文絳分離也从赫从支赫分絳之意也案絳爲分離亦是治麻之名其後他物亦得借倂而其字始通作散又變而爲散矣

麻 拾遺記昔明之國有紫沈麻其實不浮有雲冰麻麻實冷而有光宜爲油澤有通明麻食者夜行不持燭是苴藤也凡所傳述蓋皆別種

苴蔣

別二名內則蝸醢而苴食雉羹食醫魚宜苴大招五穀六
俛設苴梁只七啓芳苴精稗字或作苴淮南詮言訓苴飯

釋穀

卷三

美

搗牛弗能甘也吳都賦糝秀菰穗江賦泛之以遊菰玉篇

菰同苽五經文字苽釋文作菰是也

漢書相如傳于虛賦蓮糝觚蘆郭璞注苽

蔣也蘆葦也師古曰書不為苽蘆字郭說非也但不知觚

蘆於今是何艸耳案史記相如傳作菰蘆徐廣曰生水中

索隱曰郭璞云菰蔣也蘆葦也然作漢書本作菰蘆與史

記同作觚者刻本之謬郭注本不誤顏氏偶未檢也又案

苽與觚同音淮南原道訓注苽蘆

觚哉之觚疑漢書觚蘆用假借說文苽雕苽一名蔣蔣

苽也

此據御覽引今本

淮南原道訓浸潭苽蔣又浸潭之

潤以生苽蔣上林賦蔣苽青蘋張載注蔣苽也蜀都賦其

沃瀛則有攢蔣叢蒨

江南謂之菱

吳仁傑離騷草木疏本草菰根注云蔣草也江南人呼爲

芟草李時珍曰南方呼菰爲芟以其根交結也九穀考曰
吾歛業芟塘者云芟草有牝牡之異根成菌者俗呼芟苻
其草不抽莖不秀不實根不成菌者爲牡秋末抽莖吐秀
結實以生穀者爲牝芟與麻以不生穀者爲牡麻正相反
然淮南子注已有菰者蔣實之釋則芟呼牝牡之法蓋自
昔然矣其苗少時牝牡即可辨業是者不利於牡初時即
簡去之故少見其有秀穗者間有之百不得一案程說是
芟統牝牡言之蓋亦菰之異名也

米雕胡安胡雁膳

別三名內則鄭注食菰鄭眾注並云菰雕胡也淮南原道

訓高注菰者蔣實也其米曰籬胡大招王注菰梁蔣實謂
 雕胡也說文菰雕菰御覽引作雕胡廣雅菰蔣也其米謂
 之雕胡玉篇蔣其實彫胡也又云蒲葫菱實宋玉諷賦為
 臣炊雕胡之飯子虛賦東籬雕胡張揖注雕胡菰米也傳
 異七誨雕胡菰子西京雜記太液池邊皆是雕胡菰之有
 米者長安人謂之雕胡晉書皇甫謐傳况臣糠粃糲之雕
 胡類篇又作籬葫籬與雕彫蒲並同葫與胡同九穀考云
 枚乘七發曰安胡管子曰鴈膳黑實案楊升庵外集菰管
 子謂之雁膳以雁食
 也杜詩波漂菰米沈雲黑又云秋菰成黑米皆言其穀黑
 也案梁庾肩吾詩黑米
 出菰葉此工部所本寇宗奭曰八月開華如葦結青子

李時珍曰其米須霜彫時采之故曰彫苽九月抽莖開華如葦芳結實長寸許大如茅針皮黑褐色其米甚白而滑膩作飯香脆九穀考云余曾見秋分時始作穗在苞中將出者又見霜降後作穗已成穀形而猶未實者蓋先作稈兩片相包外一片其末有芒如芒稻但穀形瘦而長連芒約長寸許或寸有半稈中含鬚蘖數點蘖生鬚本不似他穀鬚長數分乃綴蘖點也又云爾雅齧雕蓬薦黍蓬孫炎以爲雕蓬卽芟米鄭樵楊慎並仍其誤郭璞注謂別蓬種類馮復京詩名物疏謂蓬是蓬類與芟自別陳啓源毛詩稽古編謂蓬乃旱艸非水艸據埤雅正之

芽菰菜菱白

蘇頌曰春生白芽如筍卽菰菜又謂之菱白王世懋學圃
雜疏菱白以秋生吳中一種春生曰呂公菱以非時爲美
初出時煮食甜軟據爾雅翼云苽卽菰蔣之類曰菰首者
卽今之菱白也然菰實有米而今菱白未聞有之或者野
菱乃生米也案據程說菱有牝牡之異此所云菱白謂牝
者也然程說菰牝者亦有二種一種根生小菌曰菰菜一
種根生大菌曰菰首菰菜生於夏菰首生於秋其草則相
似蓋一種而早遲略異者也若王說以菰首爲春生與蘇
頌說正合

菌菰菜出隧蘧蔬菌也

韓保昇曰夏月生菌堪啖名菰菜案芽以春生菌以夏生

皆可食故同名菰菜也離騷草木疏嘉祐圖經云即蘇頌尔

疋出隧一名蘧蔬郭璞云似土菌案郭注似土菌生菰草中今江東啖之甜滑

正謂此也南方人謂菌為菰亦緣此義

臺菰首菱筍菱白長安謂之綠節

別四名韓保昇曰三年中心生白臺如藕狀如菰首九穀考云

案菰首初年分時即生二三年後根盤結則生漸少必更

時之韓氏三年生菰首之說不知何據蘇頌云以如小兒

臂謂之菰首九穀考云江寧有菰首橋在青溪上蘇頌言當作菰手非也亦曰菱筍亦曰菱白

西京雜記菰之有首者長安謂之綠節

臺中黑謂之烏鬱烏鬱謂之菱鬱

陳藏器曰內有黑灰如墨者名烏鬱胡三省通鑑注臺中

有黑者謂之菱鬱九穀考曰嫩則脆滑中實老則心虛有

直理淤泥漬入乃生黑脈

田藝衡雷清曰札烏鬱俗名灰菱自有一種米菱其不能結實

者菱白也

苗謂之菰蔣根相結謂之菰封

蘇頌曰苗有莖梗者謂之菰蔣艸淮南子天文訓大旱菰

封煖高注菰蔣草也生水上相連持大如薄者也名曰封

早燥故煖也宋書竟陵王誕傳邵遣將東討與彬之即願彬之

弟相逢於曲阿之奔牛塘路甚狹左右皆悉入菰蔣彬之

軍人於菰葑中夾射之葑與封同九隸考說菰頌曰二浙
下澤處菰草最多其根相結而生久則并生浮於水上彼
人謂之菰葑刈去其葉便可耕蒔又名葑田方密之二云說
文葑須從此字正須葑菰菰根也蓋謂其卽菰葑不知所
據

生謂之菰蔣枯謂之芻芟生謂之芻枯謂之芟

徐鍇繫傳於蔣菰蔣也下曰菰艸也生謂之菰蔣枯謂之

芻芟於芟乾芻下曰芻刈取以用曰芻故曰生芻一東乾

之曰芟

案漢音滿漁志民芟收其
中耳師古曰芟乾草也

故書曰時乃芻芟

芟草
之可

飼牛馬者刈而束之
皆曰芻此但指芻言

開寶本草引別本注云菰蔣草也江

南人呼爲菱草秣馬甚肥是苳艸爲芻也又可爲席齊民
要術引廣志苳可食以爲席溫于蒲生南方是也

苳

釋穀卷四

寶應劉寶楠

穀續也百穀之總名

本說文案穀字从穀从禾穀是米之外皮其實去皮亦得
備穀蓋通義也

五穀麻麥稷黍豆

呂氏春秋月令數五穀麻麥稷黍豆鄭康成據之以注疾
醫取其配合五行與藏氣相應也王制注大戴禮天圓篇
盧辯注荀子儒效篇楊倞注素問史記天官書漢書食貨
志顏師古注後漢明帝紀李賢注同案北人食以禾米爲

主南人食以稻米為主五穀當數禾黍稷稻麥

九穀考次序正如此

今从此有麻豆無禾稻非也秦漢人已不識禾而稻則南

方所種非北土所宜故皆不載此釋之者亦各存其說以

見義下倣此

稻黍稷麥菽

周官職方氏宜五種鄭注稻黍稷麥菽孟子滕文公上趙

岐注素問金匱真言篇漢書地理志師古注淮南脩務訓

高誘注漢書音義引韋昭並同管子地員篇載五土所宜

之種曰黍稷菽麥稻秫卽稷也九穀考云鄭氏注職方不

據月令者以本經他州所見有稻黍稷麥四種四種有稻

而月令五穀無稻不得易木經而就月令故據所已見之
四種而益之以菽必以菽者疏所云日驗而知也

麥黍稻粟菽

逸周書言五方之穀曰麥黍稻粟菽粟粱也

麥稻菽麻禾

初學記載范計然說案五穀無黍止見於此孟子言貉五
穀不生惟黍生之亦似五穀不數黍

六穀稌黍稷粱麥苽

鄭氏於膳夫六穀注从司農說稌黍稷粱麥苽據食醫膳
食之宜而知之小宗伯六齋注亦謂黍稷稻粱麥苽春人

齊盛注黍稷稻粱之屬實隸屬中兼有麥苽

八穀黍稷稻粱麻菽麥烏麻

契越春秋晉書天文志皆有八穀之號星經八穀八星在五車北主黍稷稻粱麻菽麥烏麻星明則俱熟 越絕書

計倪內經甲貨之戶曰桑爲上物賈七十乙貨之戶曰黍爲中物石六十丙貨之戶曰赤豆爲下物石五十丁貨之戶曰稻粟令爲上種石四十戊貨之戶曰麥爲中物石三十己貨之戶曰大豆爲下物石二十庚貨之戶曰穰比蔬食故無買案此以桑黍赤豆稻粟麥大豆穰爲八穀此權時所有無而約舉之非定論也桑用最多故爲上物稻粟

皆主食故別爲上種不與諸穀同

九穀黍稷稻粱麻麥大小豆菹

九穀考云鄭司農太宰職注黍稷秬稻麻大小豆小麥後鄭不從謂九穀無秬大麥有粱菹以其闕粱而秬重稷也韋昭之注國語百穀多穀子言九穀皆從後鄭鄭氏意以六穀用食醬之六宜有菹九穀亦當有菹九穀有菹康成定之也

稻米黍麻秬小麥大麥小豆大豆

本汜勝之種植書米卽粱也

齊民要術言九穀是日小豆稻麻禾黍秬小麥大麥大豆

亦同

黍稷稻粱三豆二麥

木崔豹古今注段成式酉陽雜俎三豆不知所分二麥卽大小麥

黍稷稗稻麻大麥小麥大豆小豆

木農桑輯要

假成號謂之百穀

邵氏二雲日離象傳百穀草木藟乎土洪範云百穀用成周頌噫嘻云播厥百穀傳記多言百穀皆舉其成數見穀種之多也案韋昭國語注百穀黍稷稻粱麻麥菽雕胡之類李善兩都賦注引薛君韓詩章句曰穀類非一故言百

也楊泉物理論梁稻菽三穀各二十種爲六十蔬果之實
助穀各二十凡爲百穀其說非本九穀考

揚州宜稻荊州宜稻豫州宜五種青州宜稻麥兗州宜四種
雍州宜黍稷幽州宜三種冀州宜黍稷并州宜五種

此本周禮職方氏言九方土性所宜種也後鄭注於豫州
云五種黍稷菽麥稻於兗州云四種黍稷稻麥於幽州云
三種黍稷稻於并州云五種黍稷菽麥稻九穀考云周官
土訓注說九州所宜若云荆楊地宜稻幽并地宜麻釋文
麻一本作糜案此糜字必糜字之譌蓋鄭注所謂若云者
實據職方氏職方荆楊但云宜稻而幽州宜三種并州宜

五種注皆有黍無麻是麻當作糜糜卽謂黍二字可互通也

東方宜麥南方宜稻西方宜黍北方宜菽中央宜禾

本淮南墜形訓此言五方所宜種也 案范子計然曰東方多麥南方多黍西方多麻北方多菽中央多禾五土之
所宜也與淮南文異其云南方多稷稷謂高粱今南方亦有種者又中央多禾不知所指

汾水宜麻濟水宜麥河水宜菽雒水宜禾渭水宜黍江水宜

稻

此言水性所宜種也墜形訓云汾水濼濁而宜麻濟水通

和而宜麥河水中濁而宜菽雜水輕利而宜禾澗水多力而宜黍江水肥仁而宜稻平土之人慧而宜五穀案此云慧者謂溝渠灌溉人智甚巧則五穀無不宜也

禾黍稷麥麻菽宜高原稻苽宜下地

此言地之高下所宜種也公羊傳何注原宜粟說苑淳于髡曰蠡螺者宜禾楊倞引以注荀子云蠡螺高地是禾宜高原也易林睽之剝云臯田禾黍臯田卽高田說苑五土之宜高者黍是黍宜高原也說苑五土之宜中者稷魏都賦陸蒔稷黍是稷宜高原也詩邱中有麻邱中有麥毛傳邱中磽角之處又中原有菽庶民采之易林睽之剝云堆

壤麻阜言堆壤為麻所生之阜是麥菽麻宜高原也周官

掌稼下地澤草所生種之芒種鄭司農云芒種稻麥也公

羊傳何注隰宜麥案余正下濕曰隰然則麥亦宜下地但

較之稻菽詩滌池北流浸彼稻田賈讓治河策故種禾麥

為不同耳

更為杭稻說苑五土之宜下者杭魏都賦水澍種稻江賦

泛之以遊菰是稻菽宜下地也管子言五粟之土乾而不

格湛而不澤無高下葆澤以處其種大苗細苗五沃之土

乾而不斥湛而不澤無高下葆澤以處樹之五麻五恣之

土廩焉如監潤濕以處其種大稷細稷五剽之土其種大

秬細秬五沙之土其種大蕒細蕒五塉之土其種大穆杞

細穆杞五壯之土其種青梁五殖之土甚澤以疏離圻以

臞瘠其種鴈膳黑實此指五穀之土穀與其種大菽細菽

五覺之土其種陵稻五稜之土其種白稻又言五施之土

五七三十五尺而至於泉瀆田悉徒謂穿溝瀆以溉田五種無不

宜四施之土四七二十八尺而至於泉五種無不宜其麻

白三施之土三七二十一尺而至於泉其水白而甘唯宜

黍稷也宜縣澤再施之土二七十四尺而至於泉其泉黃

而糗流徙宜大菽與麥一施之土七尺而至於泉水流徙

黑埴宜稻麥管子所云謂地有高下及肥磽臞瘠各有宜

種然溝瀆灌溉則五種皆宜也

麥東方黍南方稷中央稻西方豆北方

此以五穀配五行之色言也內經素問金匱真言論東方

青色其穀麥

王疏注五穀之長曰麥故東方用之本草云麥為五穀之長

南方赤色其

穀黍

注黍赤色

中央黃色其穀稷

注色黃而味甘也

西方白色其穀稻

注稻

北方黑色其穀豆

注豆黑色

案中央宜屬禾注所云色黃

味甘者即是禾初學記五穀部引周書曰凡禾麥居東方

黍居南方稻居中央粟居西方菽居北方案粟當居中央

稻當居西方今刻本倒譌秦漢時稷與已不分故周書以

稷居中央內經以稷居中央其實作稷字是也

木穀麻火穀麥土穀稷金穀稻水穀豆

此又以五運之氣配穀言也素問五常政大論五運平氣

木曰敷和其穀麻注色蒼也火曰升麻其穀麥注色赤也土曰備化

其穀稷注色黃也金曰審平其穀稻注色白也水曰靜順其穀豆注色

也黑其不及木曰委和其穀稷稻注色金土火曰伏明其穀豆

稻注豆水稻金穀也土曰卑監其穀豆麻注豆水麻木穀也金曰從革其

穀麻麥注麻木麥火穀也麥色赤也九穀考云三麥字本

注不應重見經以二穀赤色可互取之且於火本令中火

養取麥金水令中火穀取黍此古人之神明後人所弗能

者水曰潤流其穀黍稷注黍火稷土穀也太過木曰發生其穀麻

稻注水化齊金火曰赫曦其穀麥豆注火齊水化也土曰敦阜其穀稷

麻注土木齊化金曰堅成其穀稻黍注金火齊化也水曰流行其穀豆

稷注水齊土化

春食麥夏食菽中央土食稷秋食麻冬食黍

此本呂氏十二紀蓋四時所宜食也

孟夏嘗麥仲夏嘗黍仲秋嘗麻季秋嘗稻

亦本呂氏十二紀蓋薦新時所嘗也非常食

粳米甘稷甘麻酸小豆酸麥苦大豆鹹黃黍辛

此言五穀養疾其性各不同也素問藏氣發時論粳米甘

小豆酸麥苦大豆鹹黃黍辛粳米甘麻酸大

豆鹹麥苦黃黍辛五音五味篇麥苦大豆鹹稷甘黍辛麻

酸九穀考云五音篇與月令同合觀之粳稷可互取小豆

麻可互取也

黍曰薺合梁曰薺其稷曰明粢稻曰嘉疏

此本曲禮記蓋叠號也鄭注云其辭也釋文其字又作其同音姬語辭也王音期期時也案鄭王二說鄭氏是也段氏云釋文上其字當作其案大祝先鄭注引曲禮亦作其釋文其音基是本作其也鄭云其辭也謂其爲其之假借釋文當云其字又作其方得段校疑非釋文又云稷曰明案古本無此句孔疏云隋祕書監王邵勘晉宋古本皆無稷曰明案一句立八疑十二證以爲無此一句爲是案蔡邕獨斷無稷曰明案句考鄭注此句無解說或本無此句也鄭注又云嘉也稻菰蔬之屬也以稻爲菰蔬之通稱

非家語終記含以疏米注疎硬米禮記曰稻曰嘉疎疎與
疏同羣經音辨卷五嘉疏稻也引禮稻曰嘉疎皆不作
蔬字成恭鏡曰據周官大祝注引曲禮正作蔬則今本作
蔬者乃涉注文蔬蔬字而譌釋文出嘉疏云本又作蔬是
陸所見本
猶未誤

善穀稈無皮穀稈

說文稈穀之善者一曰無皮穀廣韻稈淨穀

莠穀曰種種概曰稈曰稠疏曰稀

說文種莠也段注五經文字種者以穀播於土因之名穀
可種者曰種凡穀可種者皆曰種別其音之隴切生民曰
種之黃茂又曰實種實稊箋云種生不雜也案段說是也
集韻種或从重廣雅種類也種本種陸見下是別一義今穀

子之訓亦用種字其假借與詩言誕降嘉種周禮稱布種
秔之種又言豫州宜五種兗州宜四種幽州宜三種并州
宜五種中山經精用五種之精顏師古漢書溝洫志注種
五穀之子也食貨志上注種謂穀子也此等種字皆之隴
切說文稷種稷也周禮曰稷理而堅稷稠也稠多也稀疏
也案爾雅苽稷也郭注今人呼物叢緻者爲稷孫炎曰物
叢生曰苽齊音名曰稷詩鴉羽箋稷者根相迫迮相致也
列子釋文稷稠也說文莪多貌稷莪音義同稀字从禾本
謂禾疏其後爲稀少之通傳史記齊悼惠世家深耕稷種
立苗欲疏汜勝之種植書凡種黍皆如禾欲疏於禾

先種植後種稗

說文植早種也詩曰植稚未麥

韻會舉要引作早種後熟稗幼禾也

舉要引作稗幼禾晚種後熟者與徐氏繫傳同

段注汜言諸穀而字从禾者依嘉

穀而言也魯頌毛傳云後種曰稗許不言後種者後種固

小於先種即先種者當其未長亦稗也先種而中有遲長

者亦稗也故惟魯頌植稗對言毛釋之小雅無害我田稗

彼有不穫稗毛不釋者亦謂槩言幼禾今字作稚

郭注方言云稚

古稚案段說是也廣雅植早也稗晚也書考靈曜百穀稚

熟鄭注晚熟曰稚晚種故晚熟其義同也淮南子俶真訓

河魚不得明目稗稼不得育時高注稗稼為霜所凋故不

得待其自熟時此言穉稼亦後種也詩毛傳先種曰種後種曰穉齊民要術云二月三月種者爲種禾四月五月種者爲穉禾二月上旬及麻苧楊生種者爲上時三月上旬及清明節桃始華爲中時四月上旬及棗葉生桑華落爲下時歲道宜晚者五月初亦得

長稼種幼稼穉

此以稼之長幼名也說文穉幼禾也詩釋文引韓詩種長稼也穉幼稼也釋名青徐人謂長婦曰種長禾苗先生者曰種取名於此也

穀熟曰季曰稔曰秋大熟曰稔

說文季穀熟也

玉篇季禾取一熟也年同上

春秋傳曰大有年

穀梁傳云五穀

皆熟為有年也又云五穀大熟為大有年

稔穀熟也玉篇稔年熟也一切經音義廿一引字林云禾熟曰

稔春秋傳曰不五稔是

信二年左傳不可以五稔杜注稔熟也

禾穀熟也

从禾夔省聲種籀文不省案書般庚云乃亦有秋月令云

麥秋至秋謂凡穀熟之通稱四時之名秋取此故其字从

禾廣雅稔熟也玉篇稔禾大熟也廣韻稔禾熟也案方言

曰酷穀熟謂亨熟與稔義可互證

後孰重先熟稔

說文種先種後孰也種疾熟也詩曰黍稷種種穆種重文

案詩傳云後熟曰重先熟曰種周官內宰注

周官三言種稔內宰舍人

司鄭司農云先種後孰謂之種後種先熟謂之種管子云
羣土之長是惟五粟其種大重細重白莖白秀五塌之士
大稷杞細稷杞黑莖黑秀呂氏春秋任地篇種稷禾不爲
種種重禾不爲重是以粟少而失功高注晚種早熟爲種
早種晚熟爲重詩云黍稷重稷大荒南經維宜芑芑稷楊
是食後漢書禮儀志力田種各稷訖劉昭注引賀循曰種
早也種晚也並同老傳又國語范蠡云五穀稜孰亦取早
孰之義唐書地理志揚州廣陵郡土貢黃稜米烏節米黃
稜謂稻米之早熟者

下隰重高原種

此以地之所宜名也後漢書志注引干寶周禮注曰種晚

秔稻之屬秔陵穀黍稷之屬

熟穫稻生穫樵穫刈也

內則稻樵鄭注熟穫曰稻生穫曰樵說文樵早取穀也繫

作早收穀也案玉篇樵曰角切禾先熟也稻側角切小也又早熟亦作樵樵樵義同精糧也九穀考

云稻與蔬蔬通用皆指糧言莊子鼠壤有餘蔬釋文司馬

云蔬讀曰精司馬注又山海經祠諸山神有精淮南說山

用精高注精用稌稷稻黍諸米案說文精祭具也禱精稻

未所以享神以迎郭璞注或作蔬非也然則精亦作疏郭氏不知精疏

通用又云廣雅釋樵為早熟穀是樵與秔同說文樵一曰

小漢書律厓志物觀歛然後熟穀字从糕歛小意相合而
精蔬又皆有大義豈精為遲熟而穀大糕為疾熟而穀小
稻糕之義與種糕同特以穀米異其名耶早取與生穫義
同穀熟始穫以為糧故曰糧也以上九穀考 說文穫刈穀也
種穀曰稼歛穀曰穡

詩伐檀傳種之曰稼歛之曰穡周官司稼注種穀曰稼如

嫁女以有所生

稻人注義同

少宰饋食禮注收歛曰齎

特牲饋食禮注

齎者農力之成功義同

說文稼一日家事也穀可收曰穡家事即謂

播種又郭璞注大荒南經種之為稼收之為齎楊泉物理

論種作曰稼收歛曰穡李賢注漢光武紀注種曰稼歛曰

稽字通作家齊詩會是家齊卽稼穡也稼穡木謂種收其
後因以稼穡爲諸穀之名七月詩十月納禾稼甫田詩會
孫之稼鄭箋禾之有稟曰稼說文禾之秀實爲稼一日在
野曰稼在野卽指有稟者言儀禮少牢饋食禮宰夫以籩
受齊黍束哲補亡詩參參其齊皆以稼穡爲穀也史記孔
于曰良
農爲稼而不能爲穡王肅云言良農能善稼之未必
能斂獲之徐錯曰齊收也故田夫爲齊客齊之意也

大葦無細葦無樞葛大水腸細水腸忍蔭忍大邯鄲細邯鄲

大荔細荔大華細華

齊于五位之土其種大葦無細葦無紉莖白秀五蔭之土
其種樞葛紉莖黃秀慧曰舊注慧曰謂
穀實怒開也其葉若苑五壤之

土其種大水腸細水腸棘莖黃秀五洋之土其種忍蔭忍
 葉如荏葉以長狐茸黃莖黑莖黑秀其粟大五鱸之土其
 種大邯鄲細邯鄲莖葉如扶櫛其粟大五壘之土其種大
 荔細荔青莖黃秀五猶之土其種大華細華白莖黑秀讀
 書雜志云凡云其種某某者皆指五穀之大名與其別類
 而言尹注以大邯鄲細邯鄲大華細華忍蔭爲草名皆非
 也案爾雅莠蔭忍郭注似蘇有毛今江東呼爲隱忍玉篇同
 藏以爲俎亦可淪食也陶注本草云桔梗葉名隱忍可煮
 食玉篇蔭蔥菜類篇隱蔥菜名似藪此云蔥蔭蔥自是穀
 名與釋草莠蔭蔥別

穀總

向讀江都汪容甫先生釋三九謂數之少者言三多者言九
高郵王伯申先生經傳釋詞謂終風且暴終釋爲旣如有隱
憂如釋爲而歎其精確發前人所未發寶應劉楚楨先生廣
陵宿學著述甚富所作釋穀一書明辨以晰其釋蜀黍戎菽
胡豆胡麻之類謂凡物之大者皆得稱蜀稱戎稱胡而闕齊
侯獻戎菽張騫得胡麻之謬說證之正訓確不可易因卽先
生之說而引申之凡物之大者曰王曰蜀曰戎曰胡曰牛曰
馬曰龍曰虎曰鴻物之小者曰童曰妾曰婢曰荆曰楚曰鹿
曰羊曰兔曰鼠曰燕曰雀皆古人比事屬彗非有異義於其
間也其見於經傳甚多先以余正經注證之物之大者曰王

王蛇

釋蟲蟒王蛇郭注蟒蛇最大邵疏王訓為大也

王雉

釋鳥雉鳩王雉郭注雉類今江東呼之為雉昌按雉

亦鳥中

是也曰蜀蜀葵

見下戎

蜀雞

釋畜雞大者蜀雞

是也曰

戎戎菽

釋艸戎菽謂之戎菽郭注即胡豆也邵疏生民箋戎菽大豆也釋詁戎王戎也王通作任又通作任戎菽

皆言大也詩疏又引郭氏云春秋齊侯來獻戎捷穀梁傳曰

戎菽也管子亦云秋伐山戎出冬蕙及戎菽布之天下今之

胡豆是也此郭氏音義之文案菽菽為后稷所樹不應至桓

公始布天下孫炎原本鄭箋以為大豆者是也昌按邵氏之

說可與釋戎葵釋艸莢戎葵郭注今蜀葵也邵疏戎蜀皆言

穀相發明戎葵其大也釋詁云戎大也釋畜云雞大者蜀是

蜀亦為大而說本艸者便是也曰胡胡豆見上戎菽注周書

謂此艸從蜀中來鑿矣

是也曰牛牛斲

釋艸斲牛斲郭注今馬斲昌按物之大者牛馬多通稱亦猶戎蜀胡得通稱也

牛藻

釋艸若牛藻郭注似藻葉大江東呼為馬藻昌案牛馬皆言藻之大陳藏器本艸謂馬藻如馬齒相連非也

牛棘

釋艸棘牛棘郭注高尺餘許方根葉長而牛棘郭

鏡昌案棘一聲之轉蓋即積之大者

注卽馬棘也其棘粗而長邵疏蓋是也曰馬馬斲馬藻馬棘

棘之大者鄭注士喪禮王棘死鼠

俱見馬藍釋州葳馬藍郭馬鳥釋州茅首馬鳥郭注馬蝟釋

上注注今大葉冬藍馬蝟今車前草大葉長穗馬蝟釋

蝟馬蝟郭注蝟中馬蛟郭注俗呼馬蛟邵疏方言馬蛟是也

最大者為馬蟬其大者謂之馬蚰彼註蚰音逐是也

曰龍紅龍釋州紅龍古其大者謂之龍昌案卽詩之游龍龍葛釋

拔龍葛郭注似葛蔓生江東呼為龍尾亦謂之虎是也曰虎

葛昌案龍虎皆有大義邵疏皆以為象形非也

虎杖釋州漆虎杖郭注虎葛見上龍是也曰鴻鴻蒼釋州

注今筵菜呂案淮南子高誘效鴻大也字是也物之小者曰

又通洪上文已有勤山薤此蓋證之大者

童童梁釋州複童梁陸機詩疏禾秀為童牛釋畜作僮牛郭

案未成是也曰妾妾魚是也見下魚曰婢魚婢是也釋魚歸

小牛也婢注

郭注小魚也似鮒子而黑俗白荆荆葵釋州荻鮒郭注今

呼為魚婢江東呼為妾魚荆葵也似葵紫色謝

氏云小草 **荆桃** 釋木樛荆桃郭注櫻櫻 **是也** 曰楚楚葵 釋草

多華少葉 **荆桃** 桃昌案櫻桃似桃而小 **是也** 曰楚楚葵 葵郭注今水中芹菜昌案戎胡古為大國故物之火者稱戎

胡荆楚古為小國故物之小者稱荆楚文義對待故詩言 **爾蠻荆大** **是也** 曰鹿鹿藿 釋草藿鹿藿釋藿謂即穉豆農

邦為仇也 **是也** 曰鹿鹿藿 政全書云踴豆似黑豆形極小 **即** **黎** 釋木槎羅郭注實如黎而小 **是也** 曰羊羊棗 釋木遵羊棗

詩陸疏一名鹿黎一名鼠黎 **是也** 曰羊羊棗 郭注實小而 **圓羊桃** 釋草其楚鏡芒郭注今羊桃也或 **是也** 曰兔菟葵 釋草

菟葵說文策或作蔽詩陸疏欽似桔 **菟葵** 釋草紫菟葵又 **菟葵** 釋草紫菟葵又

搜棄盛而細案菟即兔之俗書下同 **菟葵** 釋草紫菟葵又 **菟葵** 釋草紫菟葵又

注即款冬昌案 **菟瓜** 釋草黃菟瓜郭注菟瓜似 **菟葵** 釋草紫菟葵又 **菟葵** 釋草紫菟葵又

款冬花開甚小 **菟瓜** 釋草黃菟瓜郭注菟瓜似 **菟葵** 釋草紫菟葵又 **菟葵** 釋草紫菟葵又

注類似 **菟絲** 釋草女蘿菟絲陸繹詩疏今合菟兔 **是也** 曰鼠 **鼠莞** 釋草薄鼠莞郭注微細似龍須 **鼠梓** 釋木棟鼠梓郭注

者之小 **鼠黎** 見上鹿 **是也** 曰燕燕麥 見下雀 **是也** 曰雀雀麥 釋草

蕎麥郭注卽燕麥也本草蘇恭注其葉以小麥而弱其實似穡麥而細是也由此推之則釋穀中之虎豆馬豆皆豆之大者也燕麥雀麥皆麥之小者也諸家之曲說不辨而自息此則經傳釋詞之所未及而與釋三九之義有可相發明者也昌黎年奔走自愧荒落蒙先生手書相勸屬以校訂因就先生所已及者舉一反三附諸卷末以當土壤細流之助云屬書五年歲在乙卯七月幾整年家子山陽丁書昌撰於嘉善南門外